

জাতীয় ক্রীড়াসেবী কল্যাণ ফাউন্ডেশন ক্রীড়া ভাতা নীতিমালা, ২০২৬

“জাতীয় ক্রীড়াসেবী কল্যাণ ফাউন্ডেশন আইন, ২০১১ (২০১১ সালের ৩নং আইন) ধারা ৭ এর (ক) এর দফা-(অ) অনুসারে অসম্মল, অসুস্থ, আহত ও অসমর্থ ক্রীড়াসেবী এবং তাঁহাদের পরিবারের জন্য ক্ষেত্রমত, পুরস্কার, অনুদান, চিকিৎসা সহায়তা, আর্থিক সহায়তা ও বৃত্তি প্রদানের বিধান রয়েছে এবং উল্লিখিত বিধান অনুযায়ী ক্রীড়া ভাতা প্রদানের নিমিত্ত এই নীতিমালা প্রণয়ন করা হলো।

১। **সংক্ষিপ্ত শিরোনাম:** এই নীতিমালা **জাতীয় ক্রীড়াসেবী কল্যাণ ফাউন্ডেশন ক্রীড়া ভাতা নীতিমালা, ২০২৬** নামে অভিহিত হবে।

২। **সংজ্ঞা:**

- (ক) ‘আইন’ অর্থ জাতীয় ক্রীড়াসেবী কল্যাণ ফাউন্ডেশন আইন, ২০১১ (২০১১ সালের ৩নং আইন);
- (খ) ‘ফাউন্ডেশন’ অর্থ ধারা-৩ এর অধীন প্রতিষ্ঠিত জাতীয় ক্রীড়াসেবী কল্যাণ ফাউন্ডেশন;
- (গ) ‘ক্রীড়াসেবী’ অর্থ ক্রীড়াবিদ, ক্রীড়া সংগঠক, ক্রীড়া প্রশিক্ষক বা কোচ, রেফারি, জাজ বা আম্পায়ার, গ্রাউন্ডসম্যান, কৃতি ক্রীড়া শিক্ষার্থী বা অন্য কোন ব্যক্তি যিনি ক্রীড়া, খেলাধুলা বা শরীরচর্চার ক্ষেত্রে বিশেষ অবদান রেখেছেন বা রাখছেন;
- (ঘ) ‘পরিবার’ অর্থ-
- (১) ক্রীড়াসেবী পুরুষ হইলে, তাঁর স্ত্রী এবং মহিলা হইলে, তাঁর স্বামী; এবং
- (২) ক্রীড়াসেবীর সহিত একত্রে বসবাসরত এবং তাঁহার উপর সম্পূর্ণ নির্ভরশীল সন্তান-সন্ততিগণ এবং পিতা-মাতা;
- (ঙ) ‘ক্রীড়া সাংবাদিক’ অর্থ- কোন ব্যক্তি যিনি ক্রীড়া বিষয়ে লেখক, ক্রীড়া ধারাভাষ্যকার, খেলাধুলা বিষয়ক প্রতিবেদন তৈরি করেন এবং ক্রীড়া প্রতিযোগিতা ও সংশ্লিষ্ট বিষয় নিয়ে তথ্য সংগ্রহ করে সংবাদপত্র, প্রিন্ট অথবা ইলেকট্রনিক মিডিয়ায় প্রচারের কাজে নিয়োজিত আছেন;
- (চ) ‘বোর্ড’ অর্থ ‘জাতীয় ক্রীড়াসেবী কল্যাণ ফাউন্ডেশন আইন, ২০১১’ (২০১১ সালের ৩নং আইন) এর ৬ ধারায় বর্ণিত ‘পরিচালনা বোর্ড’।

৩। **আবেদনকারীর যোগ্যতা:**

- (ক) নাগরিকত্ব: আবেদনকারীকে অবশ্যই বাংলাদেশের স্থায়ী নাগরিক হতে হবে;
- (খ) খেলোয়াড়দের ক্ষেত্রে: যে সকল বাংলাদেশী ক্রীড়াবিদ আন্তর্জাতিক, জাতীয়, বিভাগীয় অথবা জেলা পর্যায়ে খেলাধুলায় নিয়মিত অবদান রেখেছেন বা রাখছেন তাঁরা জাতীয় ক্রীড়া ভাতা প্রাপ্তির আবেদনের জন্য যোগ্য হবেন;
- (১) যে কোন ক্রীড়াক্ষেত্রে জাতীয় দলের সদস্য হিসেবে আন্তর্জাতিক পর্যায়ে অংশগ্রহণ অথবা;
- (২) যে কোন ক্রীড়াক্ষেত্রে জাতীয় চ্যাম্পিয়নশিপে কমপক্ষে ০১ (এক) বার অথবা জাতীয় লীগে কমপক্ষে ০১ (এক) বার অংশগ্রহণ অথবা;
- (৩) বিভাগ অথবা জেলা পর্যায়ে কোন ক্রীড়া প্রতিযোগিতায় কমপক্ষে ০৩ (তিন) বছর/বার অংশগ্রহণ।
- (গ) সংগঠকদের ক্ষেত্রে: যে সকল সংগঠক জাতীয়, বিভাগ ও জেলা পর্যায়ে কোন ক্রীড়া ফেডারেশন বা ক্রীড়া সংস্থা বা ক্রীড়া ক্লাব বা অন্য কোন ক্রীড়া কর্মকাণ্ডের সাথে কমপক্ষে ০৫ (পাঁচ) বছর সম্পৃক্ত ছিলেন বা আছেন;
- (ঘ) কোচ/রেফারি/আম্পায়ারদের ক্ষেত্রে: যে সকল কোচ/রেফারি/আম্পায়ার জাতীয়, বিভাগ বা জেলা পর্যায়ে কমপক্ষে ০৫ (পাঁচ) বছর কোন ক্রীড়া প্রতিযোগিতা পরিচালনা করেছেন বা করছেন;

(ঙ) মাঠকর্মীদের ক্ষেত্রে: যে সমস্ত মাঠকর্মী জাতীয়, বিভাগ বা জেলা স্টেডিয়ামে কমপক্ষে ০৭ (সাত)

বছর মাঠকর্মী হিসেবে নিয়োজিত ছিলেন বা আছেন;

(চ) ক্রীড়া সাংবাদিকদের ক্ষেত্রে: যে সকল ক্রীড়া সাংবাদিক কমপক্ষে ০৭ (সাত) বছর প্রিন্ট বা ইলেক্ট্রনিক মিডিয়ায় ক্রীড়ার মান উন্নয়নে বিশেষ ভূমিকা রেখেছেন বা রাখছেন;

(ছ) ক্রীড়াবিদ বা তাঁর পরিবারের সদস্যের বার্ষিক আয় অনূর্ধ্ব ২,০০,০০০/- (দুই লক্ষ) টাকা;

(জ) (ক)-(ছ) অনুচ্ছেদে বর্ণিত আবেদনকারীকে উপযুক্ত কর্তৃপক্ষের নিকট হতে উল্লিখিত সংশ্লিষ্ট প্রমাণক/প্রত্যয়ন পত্র আবেদনের সাথে দাখিল করতে হবে (আন্তর্জাতিক ক্রীড়া সংস্থা/ক্রীড়া ফেডারেশন/জেলা ক্রীড়া সংস্থা/স্থানীয় সরকার বিভাগের অধীন সংশ্লিষ্ট সিটি কর্পোরেশন/পৌরসভা/জেলা/উপজেলা পরিষদের সনদ/প্রত্যয়ন পত্র)।

(ঝ) **অনুদান প্রাপ্তির অযোগ্যতা:**

(১) সরকারি কর্মচারী হিসেবে চাকুরিরত অথবা পেনশনভোগী হলে;

(২) অন্য কোনভাবে নিয়মিত সরকারি অনুদান বা ভাতা প্রাপ্ত হলে; এবং

(৩) কোন সরকারি সংস্থা/প্রতিষ্ঠান হতে নিয়মিত আর্থিক অনুদান বা ভাতা প্রাপ্ত হলে।

৪। **আবেদন প্রক্রিয়া:**

(ক) ফাউন্ডেশন কর্তৃক অসম্পূর্ণ, অসুস্থ, আহত ও অসমর্থ ক্রীড়াসেবীদের জাতীয় ক্রীড়া ভাতা প্রদানের জন্য অর্ধবছর অনুসারে বহুল প্রচারিত দুইটি জাতীয় বাংলা দৈনিক পত্রিকা, যুব ও ক্রীড়া মন্ত্রণালয়/মন্ত্রণালয়ের আওতাধীন দপ্তর সংস্থা ও ফাউন্ডেশনের ওয়েবসাইটে বিজ্ঞপ্তি প্রকাশ করা হবে; (খ) আগ্রহী ক্রীড়াসেবী বা পরিবারের সদস্য নির্ধারিত সময়ের মধ্যে মন্ত্রণালয় বা ফাউন্ডেশনের ওয়েবসাইটে নির্দিষ্ট সেবাবক্সে প্রবেশ করে পাসপোর্ট সাইজের ছবি, জাতীয় পরিচয়পত্র/জন্মনিবন্ধন সনদ, মোবাইল নম্বর, নিজস্ব হিসাব নম্বর, ব্যাংক ও শাখার নাম, রাউটিং নম্বর, বাৎসরিক আয়ের সনদপত্র, ক্রীড়া সম্পৃক্ততার সনদপত্র ইত্যাদি সংযুক্ত করে নির্ধারিত ফরমেটে (তফসিল-১) অনলাইনে আবেদন করবেন;

৫। **পরিবীক্ষণ ও মূল্যায়ন:**

(ক) অসম্পূর্ণ, আহত বা আর্থিক অসমর্থ ক্রীড়াসেবী এবং তাঁদের পরিবারকে অনুদান প্রদান কার্যক্রমের প্রভাব, আর্থ-সামাজিক অবস্থার উন্নয়ন/পরিবর্তন ও পরবর্তী পরিকল্পনা/কর্মসূচি গ্রহণের জন্য মন্ত্রণালয় ও ফাউন্ডেশনের কর্মকর্তাদের সমন্বয়ে ফাউন্ডেশন একটি পরিবীক্ষণ ও মূল্যায়ন কমিটি গঠন করবে; (খ) ক্রীড়া ফেডারেশন সমন্বয় কমিটি ও জেলা কমিটির সদস্যগণ এবং পরিবীক্ষণ ও মূল্যায়ন কমিটির কর্মকর্তাবৃন্দ কর্মসূচির নিয়মিত পরিবীক্ষণ ও মূল্যায়ন করবেন এবং (গ) জেলা ক্রীড়া অফিসারগণ প্রতি মাসে নির্ধারিত তারিখের মধ্যে কার্যক্রমের অগ্রগতি প্রতিবেদন ফাউন্ডেশনে প্রেরণ করবেন।

৬। **কমিটিসমূহ:**

(ক) জাতীয় ক্রীড়া ভাতা প্রদান জেলা বাছাই কমিটি:

(১) জেলা প্রশাসক

(২) পুলিশ সুপার

(৩) সিভিল সার্জন

(৪) উপ-পরিচালক, উপ-পরিচালকের কার্যালয়, সমাজসেবা অধিদপ্তর

(৫) উপ-পরিচালক, উপ-পরিচালকের কার্যালয়, যুব উন্নয়ন অধিদপ্তর

(৬) সাধারণ সম্পাদক, জেলা ক্রীড়া সংস্থা

(৭) সাধারণ সম্পাদক, জেলা মহিলা ক্রীড়া সংস্থা

(৮-৯) জেলা প্রশাসক কর্তৃক মনোনীত ০১ (এক) জন সাবেক ক্রীড়াবিদ ও

০১ (এক) জন ক্রীড়া সংগঠক (অন্যন একজন নারী)

(১০) জেলা ক্রীড়া অফিসার

- সভাপতি

- সদস্য

- সদস্য

- সদস্য

- সদস্য

- সদস্য

- সদস্য

- সদস্য

- সদস্য-সচিব

কার্যাবলি:

(১) অনলাইনে প্রাপ্ত সংশ্লিষ্ট জেলার ক্রীড়াসেবীদের আবেদনে উল্লিখিত তথ্যাদি যেমন:- পাসপোর্ট সাইজের ছবি, জাতীয় পরিচয়পত্র/জন্মনিবন্ধন সনদ, মোবাইল নম্বর, নিজস্ব হিসাব নম্বর, ব্যাংক ও শাখার নাম, রাউটিং নম্বর, বাৎসরিক আয়ের সনদপত্র, ক্রীড়া সম্পৃক্ততার সনদপত্র, ইত্যাদি যথাযথ ভাবে যাচাই-বাছাই করা;

(২) ক্রীড়াসেবীদের যথাযথ তথ্যাদি কমিটি কর্তৃক যাচাই-বাছাই করে সভার কার্যবিবরণী, নির্বাচিত ক্রীড়াসেবীদের অগ্রাধিকার তালিকা এবং অনলাইন আবেদনসমূহ অনুমোদন করে ফাউন্ডেশনে প্রেরণ করা;

(৩) জেলা বাছাই কমিটির সিদ্ধান্তক্রমে প্রয়োজনীয় সংখ্যক সদস্য কোঅপ্ট করতে পারবেন।

(খ) চূড়ান্ত যাচাই-বাছাই কমিটি:

- | | |
|--|--------------|
| (১) নির্বাহী পরিচালক, জাতীয় ক্রীড়াসেবী কল্যাণ ফাউন্ডেশন | - সভাপতি |
| (২) উপসচিব/সিনিয়র সহকারী সচিব, ক্রীড়া-১, যুব ও ক্রীড়া মন্ত্রণালয় | - সদস্য |
| (৩) প্রতিনিধি, ক্রীড়া পরিদপ্তর (উপ-পরিচালক/সহকারী পরিচালকের নীচে নয়) | - সদস্য |
| (৪) প্রতিনিধি, বিকেএসপি (উপ-পরিচালক/সহকারী পরিচালকের নীচে নয়) | - সদস্য |
| (৫) প্রতিনিধি, জাতীয় ক্রীড়া পরিষদ (উপ-পরিচালক/সহকারী পরিচালকের নীচে নয়)-সদস্য | - সদস্য |
| (৬) সভাপতি/সাধারণ সম্পাদক, বাংলাদেশ মহিলা ক্রীড়া সংস্থা | - সদস্য |
| (৭-৮) ফাউন্ডেশনের চেয়ারম্যান কর্তৃক মনোনীত ১ (এক) জন সাবেক ক্রীড়াবিদ ও ০১ (এক) জন বিশিষ্ট ক্রীড়া সংগঠক (অন্যন একজন নারী) | - সদস্য |
| (৯) সম্পাদক, ক্রীড়াঙ্গত, জাতীয় ক্রীড়া পরিষদ | - সদস্য |
| (১০) নির্বাহী কর্মকর্তা, জাতীয় ক্রীড়াসেবী কল্যাণ ফাউন্ডেশন | - সদস্য সচিব |

কার্যবিধি:

- (১) জেলা কমিটিসমূহের নিকট হতে প্রাপ্ত কার্যবিবরণী ও ক্রীড়াসেবীদের অগ্রাধিকার তালিকার সাথে অনলাইনে প্রাপ্ত আবেদনসমূহ যাচাই-বাছাই করে অগ্রাধিকার তালিকা প্রণয়ন।
- (২) তহবিলের পর্যাপ্ততা ও জেলায় ক্রীড়াবিদদের সংখ্যা বিবেচনাপূর্বক উপযুক্ত সংখ্যক আবেদনকারীকে নির্বাচন করে বোর্ড সভার অনুমোদনের জন্য সুপারিশ করা।


৭। **জাতীয় ক্রীড়া ভাতা প্রদান পদ্ধতি:**

- (ক) ক্রীড়া ভাতার অর্থ আবেদনকারী ক্রীড়াসেবী বা তাঁর পরিবারের সদস্যের নিজস্ব ব্যাংক হিসাবে BEFTN এর মাধ্যমে প্রদান করা হবে;
- (খ) মৃত ক্রীড়াসেবীদের ক্ষেত্রে ওয়ারিশের ব্যাংক হিসাবের মাধ্যমে অর্থ প্রদান করা হবে।

৮। **ক্রীড়া ভাতার পরিমাণ:**

অসচ্ছল, অসুস্থ, আহত ও অসমর্থ ক্রীড়াসেবী বা তাঁদের পরিবারকে মাসিক ২,৫০০/- (দুই হাজার পাঁচশত) টাকা হারে বার্ষিক ৩০,০০০/- (ত্রিশ হাজার) টাকা ক্রীড়া ভাতা প্রদান করা হবে।

- ৯। আবেদন পত্রে প্রদত্ত তথ্য বা প্রমাণাদি পরবর্তীতে সঠিক নয় বা ভূয়া বা জাল প্রমাণিত হলে ফাউন্ডেশন কর্তৃক তাৎক্ষণিক ভাবে জাতীয় ক্রীড়া ভাতা প্রদান বাতিল করা হবে এবং প্রয়োজনে ফাউন্ডেশন যথাযথ আইনানুগ ব্যবস্থা গ্রহণ করতে পারবে;
- ১০। জাতীয় ক্রীড়া ভাতা প্রদান কার্যক্রম আনুষ্ঠানিকভাবে শুরু হওয়ার ০৬ (ছয়) মাসের মধ্যে কোন অভিযোগ থাকলে নির্ধারিত ফরমেটে (তফসিল-০২) জেলা কমিটিকে অবহিত করতে হবে। জেলা কমিটি তা ফাউন্ডেশনকে অবহিত করবে। নির্ধারিত সময়ের মধ্যে অভিযোগ দাখিল না করলে, তা গ্রহণযোগ্য হবে না।
- ১১। এই নীতিমালায় অন্তর্ভুক্ত হয়নি এমন কোন বিষয় ফাউন্ডেশনের বোর্ড সিদ্ধান্তের ভিত্তিতে নিষ্পত্তি করা যাবে।
- ১২। ফাউন্ডেশনের পরিচালনা বোর্ডের সুপারিশের ভিত্তিতে সরকার এই নীতিমালা সংশোধন/পরিবর্তন/সংযোজন ও পরিমার্জন করতে পারবে।
- ১৩। এ নীতিমালা জারির পর পূর্বে জারিকৃত এ সংক্রান্ত নীতিমালা বাতিল বলে গণ্য হবে।
- ১৪। এ নীতিমালা জারির তারিখ থেকে কার্যকর হবে।


মোঃ মাহবুব-উল-আলম
সচিব
২৭.৮.২০২৩

আর্থিকভাবে অসচ্ছল, অসুস্থ, আহত ও অসমর্থ ক্রীড়াবিদ ও ক্রীড়া সংগঠকদের
ক্রীড়াভাতা প্রদানের আবেদন ফরম

১. সাধারণ তথ্য

| | | | |
|--------------------------|--|-------------------------------|---|
| নাম (বাংলায়) | | পেশা | |
| নাম (ইংরেজি) | | পদবী | |
| পিতার/ স্বামীর নাম | | জন্ম তারিখ | |
| মাতার নাম | | জাতীয় পরিচয়পত্র নম্বর | |
| মোবাইল নম্বর | | জাতীয় পরিচয়পত্রের ছবি | |
| বার্ষিক আয় | | ব্যাংকের তথ্য | ব্যাংকের নাম: হিসাব নম্বর: শাখা: রাউটিং নং: ব্যাংক সনদ দেখন |

২. স্থায়ী ঠিকানা

| | | | |
|--------------------|--|-------|--|
| গ্রাম/পাড়া/মহল্লা | | ডাকঘর | |
| থানা/উপজেলা | | জেলা | |

৩. বর্তমান ঠিকানা

| | | | |
|--------------------|--|-------|--|
| গ্রাম/পাড়া/মহল্লা | | ডাকঘর | |
| থানা/উপজেলা | | জেলা | |

৪. ক্রীড়া প্রতিযোগিতা/ ক্রীড়া সম্পর্কিত কার্যক্রমে সংশ্লিষ্ট ক্রীড়াবিদ/ক্রীড়া সংগঠক এর সম্পৃক্ততার বিবরণ

| | | | |
|-----------------------------------|--|---------------------|--|
| খেলার নাম | | খেলোয়াড়ের পর্যায় | |
| খেলোয়াড়ের ধরন | | সময়কাল | |
| ক্রীড়া সম্পর্কিত দলিল পত্রের ছবি | | | |

৫. ক্রীড়া/ক্রীড়া সংগঠকের অর্জন সমূহ (পুরস্কার/পদক/সনদ)

| | | |
|-------|--|--|
| বিবরণ | | |
| বিবরণ | | |
| বিবরণ | | |
| বিবরণ | | |
| বিবরণ | | |
| বিবরণ | | |

৫. অন্যান্য তথ্য

| | |
|----------------|--|
| আয়ের সনদ | |
| ফেডারেশনের সনদ | |

অনুদান প্রদানের জন্য সুপারিশকৃত খেলোয়াড় / সংগঠকদের অগ্রাধিকার তালিকার ক্রম - ৬৯

আবেদনকারীর নাম

জেলা প্রশাসক/জেলা ক্রীড়া অফিসার

৫

“অভিযোগ সংক্রান্ত আবেদন করন”

তকসিল-২

বরাবর
ভাইস-চেয়ারম্যান
জাতীয় ক্রীড়াসেবী কল্যাণ ফাউন্ডেশন
জাতীয় ক্রীড়া পরিষদ (পুরাতন ভবন), ৪র্থ তলা
৬২/৩, পুরানা পল্টন, ঢাকা-১০০০।

১ কপি
পাসপোর্ট সাইজের
ছবি

বিষয়ঃ

- ০১। অভিযোগকারীর নাম : _____
- ০২। পিতা/স্বামীর নাম : _____
- ০৩। মাতার নাম : _____
- ০৪। স্থায়ী ঠিকানা : গ্রাম/মহল্লাঃ _____ উপজেলা/থানাঃ _____
ডাকঘরঃ _____ জেলাঃ _____
- ০৫। বর্তমান ঠিকানা : গ্রাম/মহল্লাঃ _____ উপজেলা/থানাঃ _____
ডাকঘরঃ _____ জেলাঃ _____
- ০৬। জন্মতারিখ : _____ ০৭। জাতীয়তা : _____
- ০৮। জাতীয় পরিচয়পত্র নম্বর : _____ ০৯। মোবাইল নম্বর : _____
- ১০। অভিযোগের বিবরণঃ _____

তারিখঃ

(অভিযোগকারীর স্বাক্ষর)